

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

ZAKLJUČAK

o obustavljanju postupka koji je pokrenut po Zahtjevu za pokretanje postupka fizičkog lica (..) ** iz Sarajeva protiv privrednog subjekta „Euroterm“ d.o.o. Kiseljak

Sarajevo
septembar, 2025. godine



Broj: UP-03-26-2-032-33/24
Sarajevo, 01.10.2025. godine

Konkurencijsko vijeće Bosne i Hercegovine, na osnovu člana 25. stav (1) tačka e) Zakona o konkurenciji („Službeni glasnik BiH“, br. 48/05, 76/07 i 80/09) i člana 122. stav (2) Zakona o upravnom postupku („Službeni glasnik BiH“, br. 29/02, 12/04, 88/07, 41/13 i 53/16) u postupku pokrenutom po Zaključku broj: UP-03-26-2-032-8/24 od 20.03.2025. godine protiv privrednog subjekta „Euroterm“ d.o.o. Kiseljak, Josipa bana Jelačića bb, 71250 Kiseljak radi utvrđivanja zloupotrebe dominantnog položaja u smislu člana 10. stav (2) tačka a) i c) Zakona o konkurenciji, na 34. (tridesetčetvrtoj) sjednici održanoj dana 30.09.2025. godine, donijelo je

Z A K L J U Č A K **o obustavljanju postupka**

1. Obustavlja se postupak pokrenut radi utvrđivanja zloupotrebe dominantnog položaja po Zahtjevu fizičkog lica (..)**¹ protiv privrednog subjekta „Euroterm“ d.o.o. Kiseljak, Josipa bana Jelačića bb, 71250 Kiseljak.
2. Podnosilac zahtjeva je na ovaj Zaključak dužan platiti administrativnu taksu u iznosu od 500,00 KM, u korist Budžeta institucija Bosne i Hercegovine.
3. Ovaj Zaključak je konačan i bit će objavljen u „Službenom glasniku Bosne i Hercegovine“, službenim glasilima entiteta i Brčko Distrikta Bosne i Hercegovine.

O b r a z l o ž e n j e

Konkurencijsko vijeće Bosne i Hercegovine (u daljem tekstu: Konkurencijsko vijeće) je dana 28.11.2024. godine pod brojem UP-03-26-2-032-1/24 zaprimilo Zahtjev za pokretanje postupka fizičkog lica (..)**¹, zastupan po advokatu iz Sarajeva, Saneli Gorčić, Đoke Mazalića 1/1, 71000 Sarajevo protiv privrednog subjekta „Euroterm“ d.o.o. Kiseljak, Josipa bana Jelačića bb, 71250 Kiseljak zbog zloupotrebe dominantnog položaja iz člana 10. stav (2) tačka a) i c) Zakona o konkurenciji („Službeni glasnik BiH“, br. 48/05, 76/07 i 80/09).

¹ (..)** - podaci predstavljaju poslovnu tajnu

Konkurencijsko vijeće je ocijenilo da nije moguće bez provedenog postupka potvrditi navode iz Zahtjeva o kršenju Zakona, te je dana 20.03.2025. godine pod brojem UP-03-26-2-032-8/24 donijelo Zaključak o pokretanju postupka protiv privrednog subjekta „Euroterm“ d.o.o. Kiseljak, radi utvrđivanja postojanja zloupotrebe dominantnog položaja u smislu člana 10. stav (2) tačka a) i c) Zakona o konkurenciji.

Imajući u vidu da je u predmetnom postupku potrebno održati usmenu raspravu i izvesti dodatne analize kako bi se utvrdile sve relevantne činjenice, te da se radi o osjetljivom tržištu, Konkurencijsko vijeće je produžilo rok za donošenje konačnog rješenja za dodatna tri mjeseca u smislu člana 41. stav (2) Zakona Zaključkom broj: UP - 03-26-2-032-22/24 od 09.07.2025. godine.

Usmena rasprava u ovom predmetu je bila zakazana za 29.08.2025. godine u 11,00 sati, ali ista nije održana jer je Konkurencijsko vijeće dana 25.08.2025. godine zaprimilo podnesak punomoćnika Podnosioca zahtjeva kojim isti povlači svoj zahtjev, te moli Konkurencijsko vijeće da donese zaključak o obustavljanju predmetnog postupka.

Odredbom člana 122. stav (2) Zakona o upravnom postupku utvrđeno je da kada je postupak pokrenut povodom zahtjeva stranke, a stranka odustane od svog zahtjeva organ koji vodi postupak donijet će zaključak kojim se postupak obustavlja.

Podnosilac zahtjeva je, na ovaj Zaključak, u skladu sa članom 2. stav (1) tarifni broj 108. tačka b) Odluke o visini administrativnih taksi u vezi s procesnim radnjama pred Konkurencijskim vijećem («Službeni glasnik BiH», broj 30/06, 18/11 i 75/18), dužan platiti administrativnu taksu u ukupnom iznosu od 500,00 KM u korist Budžeta institucija Bosne i Hercegovine.

U skladu sa naprijed navedenim, donijet je Zaključak kao u dispozitivu.

Pouka o pravnom lijeku

Protiv ovog Zaključka nije dopuštena žalba. Nezadovoljna stranka može pokrenuti upravni spor pred Sudom Bosne i Hercegovine u roku od 30 dana od dana prijema ovog Zaključka.

Predsjednica

Ninela Salihbašić